

欽定剿平三省邪匪方略

欽定剿平三省邪匪方略正編卷三百二十二

壬戌年

六月十二日

辛亥

吳熊光奏言竊

臣

探得德楞泰

派令總兵孫清元德昌等追剿王曾二逆由官

渡河向竹山進剿後德楞泰卽親統大兵與賽

冲阿等專注樊人傑冒雨窮追於五月三十日

追至白河一帶該逆等撲水過河被山水溜急

衝淹擊獲活賊多名僉供目擊樊人傑率領騎

馬賊匪百餘人撲水被水淹沒衝去臣查樊逆

淹斃之處不特臣屢次差探情形相符卽房城

百姓亦同口一辭人人稱快自屬該犯罪惡貫

盈終歸殄滅但該犯屍身未經撈獲臣已派員

趕赴官渡下游一帶分投打撈以期必獲至王

曾二逆率領餘匪向竹山西竄臣前因賊匪竄

近房城恐其闖入陝境早飛札總兵穆克登布

在陝楚交界扼要迎截該鎮卽派遊擊閻俊烈
帶領官兵至二竹截剿探得官兵由竹山大西
河雙龍寨一帶冒雨前進正值王曾二逆在該
處屯聚兵勇分佈進剿立斃賊匪數十名該匪
踉蹌奔竄自相踐踏共斃二百餘名生擒甚多
並殲斃樊人傑之子樊虎令獲賊指認屍身屬
實且據供稱王國賢率領餘匪前行被官兵打

散身受矛傷滾巖落水淹斃已將獲犯及樊虎
首級就近送往德楞泰營盤查驗其蒲井各逆
經副都統色爾滾總兵蒲尙佐節次殲擒後所
剩無多官兵現向興山一帶乘勝追剿該處距
房縣遙遠日內未接據續報興歸一帶尙有餘
匪晝伏夜出零星掠食而賴唐各逆亦在巴東
卡外往來奔竄又經德楞泰派總兵吉林泰李

天林先後馳往協剿現在天氣大晴兵行更可
無滯臣已疊飭糧局各員暨沿邊州縣務將軍
火糧餉分投運供源源接濟並與德楞泰同心
協力彼此熟商務將各股賊匪上緊剿辦並搜
捕餘匪淨盡不敢稍有草率奏入

上命軍機大臣傳諭吳熊光曰前據德楞泰奏到官
兵四路追剿樊曾股匪樊人傑及曾芝秀俱情急

投河淹斃夥匪全行掃蕩王國賢分領賊匪過河
經遊擊閻俊烈帶兵截殺王國賢受傷撲河前殲
斃樊人傑之妻子弟侄餘匪剿洗殆盡等語今聞
吳熊光所奏情形樊人傑撲水淹斃業已屬實而
曾芝秀一犯並非與樊人傑同行淹沒轉與王國
賢合夥率領餘匪向竹山西竄經閻俊烈打敗奔
逃是曾芝秀生死尚未可定與德楞泰昨奏不符

至王國賢一犯德楞泰止稱該逆身受矛傷情急
撲河尚未查明實在下落而吳熊光摺內則稱受
傷滾巖落水淹斃此節亦有不同是否吳熊光探
聽未能確實著查明復奏至兇渠樊人傑屍身現
據吳熊光奏派員趕赴官渡下游分頭打撈以期
必獲所見甚是如已將該逆屍身撈獲卽令軍營
獲賊指認明確再行剉屍梟首示衆庶可以息浮

言而成定案并將實在情形迅速具奏至蒲井各
逆向興山一帶奔竄昨德楞泰已移勝兵往剿現
在天氣大晴師行更可無滯且元惡旣除餘匪聞
風膽落自必易於集事正當功屆垂成之際軍火
糧餉務須源源接濟無缺乏吳熊光摺內稱有
同心協力之語昨亦因伊二人和衷共濟已將
吳熊光一體交部議叙該督惟當益加鼓勵統俟

大功全竣共膺懋賞

十三日

壬

惠齡奏言

臣

由六峪入山前進連日

山內大雨如注溪水漲發經過孝義鎮安城垣
均有衝損當飭該廳縣趕緊修補以資捍衛至
南山地方誠恐苟逆分股竄匪向硯寨居民逼
索籽糧藉資口食先經酌派明幹佐雜八員弁
兵百餘名於五月初旬卽令入山分布盤廊鄣

縣各屬秦嶺左近一帶碉寨遇賊擒拏而以通判維昂督率查察現據稟報各碉寨屢有緝擒餘匪之事

臣

此去平利距南山幾及千里誠恐

照料不周委員等日久生懈於起程時已嚴飭

各員弁並該管地方官實力稽察認真辦理

臣

復札致陸有仁就近督飭各委員於分駐處所

遵

旨加意妥辦毋致疎虞奏入

上命軍機大臣傳諭惠齡曰惠齡奏派委委員分布秦嶺左右一帶督飭官兵寨勇等偵探賊蹤搜捕餘匪自應如此辦理至日前原因楚省樊蒲等股賊匪較多恐德楞泰在楚逼剿該匪等或向陝境奔竄是以令惠齡移兵親赴平利一帶防堵今樊人傑曾芝秀等業經德楞泰逼剿淹斃并將此股

全數掃蕩王國賢一股亦經穆克登布派出之遊
擊閻倭烈痛加剿殺王國賢帶傷鳧水而逃此時
楚省餘匪已屬無多蒲添寶一股亦已向南潰竄
德楞泰現在帶領勝兵追擊距陝境較遠斷不虞
其西竄亦無須穆克登布帶兵赴楚協剿正可仍
在平利駐紮防堵惠齡到彼更無可籌辦之處而
陝省苟逆尙未就擒日內亦未據額勒登保續奏

得有勝仗此時南山外峪口一帶防堵較爲緊要
惠齡接奉此旨如未至平利卽於途次轉回如已
至平利將該處防堵事宜與穆克登布畧爲布置
并將陝楚交界大概情形具奏仍回至澇峪一帶
駐紮防守設伏以待倘苟逆竄出卽可併力擊剿
惠齡係該省總督一切防剿事宜皆應認真督辦
方爲不負委任

十五日甲寅德楞泰奏言竊臣前因平口河一帶

山深林密恐賊匪被迫情急或有竄匿其間並
南北兩岸下游均須逐一搜查當派副將馬應
國等在下游北岸派遊擊劉彪等在下游南岸
並派副將達自祥等在附近一帶逐處分投細
查旋據劉彪等回稟初三日過河查至下游六
十里並無賊蹤惟於安寧寨見有該寨雇工一

人形色可疑詢係初本明遠安縣人再三盤詰始稱向來在賊營替樊人傑背負鍋米那日樊人傑淌下水去我兄他在河中間和幾個人揪扭拖下騾子來一齊衝下灘去那時官兵殺得急了大家跳下河裏我衝到淺處上岸我們共有十三個人曾元帥也在內等語又於路旁林內拏到姚文俸一名據供係四川中江縣人亦

係撲水與楊本明前後上岸之賊訊稱是日上岸時並未見有曾芝秀等語

臣

復親加研訊詰

以楊本明所供曾芝秀同在河灘上十三人之內何以姚文俸所供又無曾芝秀反覆究詰各執一詞語言支吾旋卽一併正法因思所供曾芝秀上岸不過共有十三人卽或所供情真亦不過暫時漏網難逃誅戮賊匪詭計多端寧信

其有勿信其無現已選派安幹兵勇前往該處
上下各碉寨遍行查訪如再得二三人卽可得
其實在生死底裏並就近飭知竹山縣范繼昌
竹谿縣徐如灝懸賞遍傳山中各碉寨一體查
拏至於樊逆一犯現據該二犯所供不見上岸
臣及將領員弁彼時均皆目擊被拏揪扭一同
被浪搏激下灘淹斃毫無疑義其王國寶一犯

撲河不知生死俟

臣

查明確實再行具奏

臣於

初五日同長齡向興山探剿蒲逆股匪據色爾
滾蒲尙佐呈報五月二十四日探得該逆竄入
興山屬之桂連坪屯聚查詢該處舊有民寨周
圍八九十里在老林密箐之中崖坎陡險馬不
能進爲歷年賊匪未到之地官兵進抵洪河詢
之土人由烟墩垭獅子垭抄至桂連坪東面之

唐家營二十七日五鼓分兵兩路進攻色爾滾
等由右手抄石映溝腦進攻蒲尙佐等由石映
溝直上侍衛蘇爾慎營總富登阿蘇清阿副營
總珠山協領德寧阿叅領扎呼岱等因路徑險
窄馬力難施卽帶領吉林索倫兵丁均棄馬步
行午刻抵山腳詎該逆扼據舊卡堆放亂石我
兵用鎗箭仰攻往來相持至申刻始得搶上時

沈洪等亦從石映溝腦攻搶而來兩路併力立斃賊匪六七十名乘勢衝入賊巢賊衆卽形慌亂兵勇分投趕剿又殺賊四五十名該處四面盡係高巖陡坎賊衆被追情急跳巖而死者一百餘人生擒活賊四十二名割取耳記七十一副搶獲旗幟騾馬無數天色已晚樹木叢密未敢深追所剩餘匪六七百名四路翻山散逃騾

馬全無現仍分投差探首逆所在卽當前進訊
得活賊袁功福等二十七名隨賊日久放火殺
人立即正法難民照例省釋又據德昌稟報探
有零匪一股在竹谿屬之王家山漁溪河一帶
滋擾六月初一日帶兵前進分派叅將承祿等
由右手山背抄出漁溪河前德昌等由漁溪河
直進賊匪慌亂順河狂奔趕殺賊匪三十餘名

適承祿等帶兵抄至下流突出夾擊又斃賊四十餘名殲斃偽總兵何士魁生擒男婦賊匪六十一名口搶獲騾馬矛旗甚多餘匪遁入老林訊據大旗手張正義供係黃號餘黨有四百多人是葛元帥何總兵李總兵帶領纔到這老林裏來不想官兵殺來被拿等語訊明後卽同子手何勲等十名一併梟首其附近難民已令寨

惟有蒲賴熊戴崔胡六逆分竄於興巴老山之

中約共不過三四人

臣

現卽移師前進其二

竹及歸巴各餘匪約共亦不過千餘人

臣

業已

派令孫清元吉林泰德昌李天林四路分兵趕

緊搜剿是楚省賊勢較前已去十分之七歲事

在卽現在營中帶兵將領甚多應隨時酌量遣

回稍節糜費所有侍衛珠爾杭阿法依當阿護

軍叅領五達色副前鋒叅領巴哈佈委前鋒叅
領雙吉直隸遊擊珠勒亨山西都司溫承弼等
七員臣已分咨令其回旗赴任嗣後營中有應
行遣回滿漢官員臣卽陸續查明給咨辦理庶
撤兵時沿途不致擁滯

同日勒保奏言臣准豐紳來札據稱楊步青等

匪分作兩股一股約七八十人向大鳴壩一路

竄走一股一百餘人向羅家壩一帶逃逸豐紳
聞信卽派遊擊鄔海慶等分兵赴羅家壩一路
迎截豐紳親帶兵由大黑灘一路抄襲十七日
三更後鄔海慶等行抵羅家壩將兵在山坎下
埋伏五更時該匪翻山竄來官兵一擁向前鎗
箭齊發賊匪不敢抵拒卽折回大黑灘原路適
豐紳帶兵繼至賊匪四散竄走分投追殺斃賊

二十餘名生擒十一名餘匪八九十人捨命狂奔卽海慶等帶兵跟追三十餘里沿途殺賊十三名生擒七名追至空山廟地方適值大雨如注官兵暫紮餘匪遁入該處老林豐紳提取活賊訊出戰手唐詠昭等六名卽行正法其甫經被擄者交縣釋放其分股竄走大鳴埡之賊據道員劉清稟稱派令効力通判劉星渠帶領軍

功鄉勇等跟追至通江七星包地方趕上賊匪
當有魏大青等二十六人從賊隊中棄械投出
餘衆尙持矛抗拒經軍功鄉勇三十餘名生擒
四名餘匪竄逸者尙剩二十餘人所擒蒲心樂
等四名託明實係楊步青股內積年老賊就地
正法其魏大青等二十六人既屬真心投出自
當貸其一死現已發交通江縣查明原籍分別

遞回安插又副都統銜達斯呼爾岱副將羅聲
臯等報稱二十三日據探報東鄉所屬李大坪
地方有零賊百餘人當卽分兵抄截羅聲臯等
爲一路叅將蕭鳳來等爲一路連夜帶兵前進
行抵李大坪天尚未明賊匪正在草房內住宿
乘其不備立斃賊二十餘名生擒十三名餘匪
分起奪路狂奔官兵分投追躡一起賊二三十

人追至山坎寨脚寨民放鎗擲石下擊該匪滾
巖跌斃二十餘名餘匪九名被兵擒住又一起
賊五六十人向慶興溪竄走我兵緊蹙追殺斃
賊三十餘人生擒十七名餘匪尙剩一二十人
潛匿林箐間復經羅聲臯等督兵搜捕淨盡查
訊此起賊匪係白號餘黨亢士洪王曰學二人
爲首亢士洪已臨陣殲斃王曰學被兵擒獲活

賊內尚有偽總兵陳太復及戰手何思明等二十四名均係積年老賊解交太平廳審辦其餘金大富等十三名甫經被擄卽交寨首保釋二十七日又據硃民來報有零匪十餘人在玉山坡林內潛匿達斯呼爾岱卽派守備張應祿帶兵一百名前往搜捕在各處密林將該匪十三名全數搜獲解回詳訊內有羅明揚一名係白

號張思從股內僞總兵當卽正法又據硃民盤
獲賊匪亢士秀一名訊明卽係白號賊首亢士
洪之弟曾充戰手因卽一併正法又遊擊羅思
舉一路兵勇探剿至團城地方報有零匪四五
十人藏匿老林羅思舉因山路陡險難展兵力
當派新勇楊文朝假充賊營探馬前往招令合
營該匪等信以爲真出山會合羅思舉卽率兵

勇將賊圍住殺斃十一名生擒三十五名查訊
各犯內有僞先鋒袁登朝僞總兵白如亮及湯
思蛟之堂弟湯思瑤均係白號餘匪將各犯解
交開縣聽候提訊又據通江縣知縣徐廷鉅稟
稱楊步青殲斃後餘匪四散竄走經各寨團勇
先後拿獲僞總兵彭正富張德貴僞先鋒朱之
虎及散匪等共二十九名現在訊供錄報聽候

辦理

臣

查川北賊匪日剿日少現有許文謨田

朝貴兩路官兵及劉清所帶鄉勇儘敷防剿至

東太開雲等處零匪有達斯呼爾岱羅聲皐及

羅思舉等乃投剿辦其廣安大竹萬縣等處竄

匪前亦派有叅將傅廷佐遊擊王泰等分路跟

剿均可日就肅清至巫山大寧邊界自經

臣

防

守以來將二兩旬並無賊匪由楚竄入惟巴東

歸州宜昌等處北岸沿江地方時有零匪出沒
均與巫山相近而房縣一帶之賊亦恐被德楞
泰追剿情急逼入大寧臣飭令達勒精阿等不
時哨探一有竄入即可督兵迎截均奏入

上命軍機大臣傳諭德楞泰曰據德楞泰奏拿獲楊
本明一犯供稱伊等跳河後衝至淺處上岸共有
十三人曾之秀亦在其內又拿到姚文偉一犯據

供十三人內實無會芝秀經德楞泰再三究詰該
二犯各執一詞難以憑信看此情形或會芝秀竟
已上岸潛逃該犯亦係緊要賊首若並未淹斃任
其漏網已不成事至英人傑爲首惡元兇前經德
楞泰奏到該犯落河身死全股掃蕩已明降諭旨
大沛恩施將德楞泰晉封侯爵將士分別加恩茲
德楞泰訊據楊本明姚文倬二犯俱供不見樊逆

上岸但不得屍身總未可信況曾之秀既可由淺
灘上岸則樊人傑亦難保其不覓水逃逸該逆爲
起事老教渠魁非曾之秀可比若竟脫逃他竄恐
其潛行勾結夥黨復致蔓延德楞奉應卽嚴飭各
州縣等上緊打撈務將該犯屍身尋獲驗明手帶
金鐲指認真確到堂示衆方可以息浮言而靖人
心倘此事不辨證而確又如王士虎劉潮選已報

殲斃逾時復出更復成何事體耶德楞泰一獲樊
逆屍身查驗的實卽速行奏聞不可稍有含混亦
不可稍存迴護粉飾其會芝秀一犯亦著上緊查
拿務得生死實據爲要現在蒲賴熊戴崔胡六逆
據稱通計不過三四人德楞泰移得勝之師並
督率色爾滾蒲尙佐等剿辦竚望捷音踵至其二
竹及歸巴零匪祇有千餘人德楞泰亦當催令孫

清元吉林泰德昌李天林迅速搜捕淨盡勿稍遲
延又據奏叅領張進恒等經過羅圈崖因大雨山
塌壓斃等語該員等隨征日久此次剿辦樊逆賊
股均屬勇往猝被壓斃殊屬可惜張進恒吞多福
順漢兵張啟奎熊仲魁王世俊王彬鄉勇劉洪易
均著照陣亡例咨部賜卹

上又命軍機大臣傳諭勒保曰現在搜剿川北之賊

田朝貴劉清二人均屬奮勉可靠於防剿自爲得力至苟逆一股現經額勒登保帶兵遍剿難保其不向川北奔逃勒保當飭知田朝貴等嚴密防堵勿令該匪潛行竄入卽川東一路現在楚省蒲賴等逆亦經德楞泰等分投趕剿恐該匪等情急竄川亦當飭令達勒精阿等實力防範毋使一名闖入

同日

上諭內閣曰德楞泰奏查明川楚兩路節次打仗出力並此次剿辦著名首逆樊人傑奮勇出衆各員酌請分別陞賞副將達自祥著記名以總兵簡用叅將馬文斌著賞給札普棟阿巴圖魯名號遊擊王占鰲著賞給齊吉拉克巴圖魯名號仍照例各賞銀一百兩叅將何君佐著賞加副將銜遇缺卽

行陞用都司熊敏謙劉廷斌守備謝成貴千總謝
金章俱著賞換花翎遊擊烏勒喜訥著賞戴花翎
千總趙先貴把總楊鳴魁李經外委蕭應高周漢
友唐福額外外委謝朝恩湯永先步兵楊應春羅
萬舉馬兵何正宗伍鳳林唐起龍戰兵張必國新
兵黎廷彪鄉勇把總銜魏忠材鄉勇軍功胡超晏
得龍崔相俱著賞戴藍翎

上又諭內閣曰德楞泰奏辦理糧務並隨營文員請
量加獎勵直隸州知州鄒翰同知常發祥著賞給
知府銜遇有該省缺出先儘補用知府金之忠知
州銜范繼昌均著賞戴花翎范繼昌遇有知州缺
出卽行補用知縣徐如灝著賞給知州銜遇缺卽
補丁憂從九品屠祖型著留川省俟服闋後以縣
丞府經歷陞補

同日

上命軍機大臣傳諭額勒登保曰額勒登保剿辦苟
逆一股係已經殘敗之賊總未能迅速辦淨自本
月初八日奏報以後迄今已逾八日尙未據奏續
得勝仗而德楞泰自初十日奏報逼剿樊曾賊股
淹斃首逆樊人傑業將德楞泰加恩晉封三等侯
爵在事將領分別交部議敘以示優獎本日又據

德楞泰奏到分派鎮將等在興山一帶復將蒲添
寶股匪趕剿大形窮蹙現在德楞泰已親往興山
搜捕遁藏餘匪不日即可完竣數日之間喜音踵
至額勒登保身爲經畧帶領勁兵剿辦苟文明數
百餘匪日久尙未完竣寧不愧而思奮耶今朕代
爲額勒登保籌畫莫若卽將德楞泰在楚大獲勝
仗情形遍爲曉示以從前楚省各股竄匪幾有萬

餘白德叅贊帶兵一到卽將蒲井大股賊衆痛加
殲戮昨又將樊人傑曾芝秀逼剿緊急投河淹斃
其餘夥衆悉數殲除無一人得以漏網其樊逆之
妻王氏以及逆弟樊人禮子侄樊龍樊虎樊鳳等
盡皆擒戮楚省全境次第肅清可見此等逆犯罪
惡貫盈爲

天理所不容斷難倖逃誅戮爾等潛匿老林何苦自罹

飢困一經大兵進山搜剿必致悉數殲擒萬無生
理現已奉有恩旨體

上天好生之德網開一面爾等若能趁此時翻然改悔
相率投誠不但褻脅夥黨可從寬宥卽首逆苟文
明投出亦必施恩貸其一死從前節次所獲首逆
誅戮無赦者原因其怙惡不悛與官兵抗拒是以
擒獲後或解京盡法處治或在該處戮割示衆爾

等如果自縛赴營真心投首再無不加寬赦之理
不必心存疑懼稍有游移經此番曉諭之後若再
執迷不悟則是自取滅亡噬臍無及矣額勒登保
可照此寫出告示或遣鄉勇持諭徑赴賊中通行
傳布或卽令所獲賊夥賁往曉示此亦解散竄匿
南山賊匪之一法如果苟文明竟自行投出卽當
宥其死罪發往新疆等處交該管大臣嚴加管束

其餘投出之夥匪卽發回原籍令地方官妥爲安
插留心防範勿任滋事額勒登保接奉此旨一面
督飭鎮將趕緊進兵一面卽照此辦理卽或因雨
水阻滯礙難前進亦著先將籌辦情形迅速馳奏
以慰廑注

欽定剿平三省邪匪方略正編卷三百二十三

壬戌年

六月十六日

乙卯

額勒登保奏言竊

臣

探得苟逆

正股賊匪由中板房黑山竄往乾岔河留一百

多人散竄嚮洞溝林內牽綴官兵

臣

派令守備

蘇超帶領弁兵在於該處林內探剿

臣

於初三

日卽由嶺板橈一帶跟追正股賊匪查楊遇春

現在帶兵在安溝八里坪一帶追剿張士雲張

士熊分竄零賊並探剿苟逆股匪

臣

以張逆一

股僅只一二百人不值以多兵爲所牽綴卽知

會楊遇春酌撥官兵交總兵李應貴副將吳廷

剛在彼剿辦令楊遇春分帶官兵前來合營初

五日

臣

抵揚四廟楊遇春星夜前來會合並據

守備蘇超稟報嚮洞溝零匪已向古樛墩奔逃

夫與苟逆合夥由長灣北山一帶進至小壬河

因河水漲發不能過又繞路向龔家灣遁去
距場四廟僅五十餘里當令楊遇春挑帶奮勇
官兵於三更時越嶺穿林潛往掩擊臣亦親率

馬隊順溝策應我軍於五更時行抵龔家灣該
匪知官兵追趕甚緊皆於各樹林內遍燒號火
四散屯紮兵勇猝然至前殺斃三十餘人生擒
劉國富等十八人餘匪驚駭向各山林紛紛亂

竄天色漸明查探該匪奔天窩蕩而去卽令楊
遇春帶兵由旁路繞赴天窩蕩截殺令副將蕭
福祿等帶兵緊追楊遇春趕抵天窩蕩該匪已
於山巔林內亡命竄過我軍追殺數十里殲斃
十餘人擒獲賊匪吳廷槐等七人據供苟文明
昨晚紮在龔家灣知道官兵不遠叫衆人防備
官兵果於夜間殺來苟文明向與妻室苟羅氏

大兒子苟朝九小兒子苟三皮子內姪羅喬子
姪女三女子在一處現在已經失散只有大兒
子苟朝九同行其餘均無下落等語

臣分派官

兵於龔家灣附近地方分路搜緝拿獲賊目顏
小乙等八名又於山洞內將苟羅氏苟三皮子

羅喬子苟三女子一併拿獲

臣

訊據苟羅氏供

稱係苟文明之妻三皮子是我小兒子三女子

是堂姪女羅其清四弟叫羅其名也是我的堂
弟二年冬間羅其名死後我便將伊子羅喬子
收留撫養不料昨晚官兵乘夜到來被拿等語

臣查該犯婦苟羅氏實係苟文明原配妻室苟

三皮子羅喬子均未及歲係逆犯子女例應緣
坐現在就近將該犯婦等解交寧陝廳監禁俟
苟逆就獲後再令質認明確

奏請辦理其賊目顏小乙係顏中考族弟已與節
次所獲之吳廷槐劉國富等一併正法現探得
苟逆尙有三百餘人由胭脂壩上壩一帶奔去

臣現卽與楊遇春趕緊分路進剿務期設法殲

除所有苟逆分股之靳士黃陳文海等數百人

昨據探報竄至華陽月亮坪一帶臣已疊次知

會扎克塔爾楊芳等併力跟追並知會慶成確

探截擊再此次拿獲賊犯詢得磨溝碕內民人
有賣給食物及留養帶傷賊匪等事

臣

當卽飭

派員弁兵勇十數人改裝易服托名購買糧食
潛往查拿旋據拿獲民人余貴及留養賊匪馬
高到營隔別研訊緣余貴籍隸湖南在磨溝半
山碕居住本月初一日有苟文明股內賊匪向
索食物并許以多給價銀余貴貪圖重利賣給

肉鹽布鞋等件又有賊匪馬高因帶傷不能行走余貴得銀十五兩令其在硐內居住查賊匪潰敗奔逃各寨民理應奮勉搜捕乃該犯轉敢貪圖厚利賣給食物并將受傷賊匪容隱不報難保無爲匪通信事若不嚴行懲辦不足以儆愚頑臣於審明後將該犯余貴卽行正法並將知情不報之硐內居住民人溫建李發等各

予柳責出示遍爲曉諭使遠近民人知所儆惕
至賊匪馬高一犯訊係積年矛盾亦卽一併正
法奏入

上命軍機大臣等諭額勒登保曰苟文明一股賊匪
在南山奔竄多時尙未辦竣正深垂厯此次該逆
因河水漲發不能竄渡向北山龔家灣一帶遁走
經額勒登保等合楊遇春前來會合奮勇趕上殲

獲多名並將苟文明原配妻室苟羅氏及幼子苟
三皮子擒獲現在苟逆祇帶伊子苟朝九同行可
見狼狽奔逃并妻子不能顧及斷難再延殘喘前
因額勒登保及扎克塔爾剿辦苟逆遲延將伊二
人革職留任額勒登保等接奉屢次飭催諭旨共
知奮勉趕緊截剿將苟逆家屬擒獲辦理已經得
手額勒登保革職留任處分著加恩准其開復扎

克塔爾亦著加恩准子開復楊遇春打仗素爲出力此次一經額勒登保調至大營卽能奮勇立功著交部議敘此時苟逆餘匪祇剩三百餘人由胭脂壩一帶奔去敗殘已極額勒登保與楊遇春帶領官兵趕緊分路追剿並知會慶成確探截擊甚合機宜與朕前降諭旨相同額勒登保等惟當乘此兵威勝勢將該匪一鼓殲除勿留餘孽額勒登

保侯苟逆殲擒後當酌量情形或仍帶兵在彼搜
剿餘匪或派楊遇春等分投搜捕伊卽帶兵前赴
平利紫陽一帶堵截楚省竄匪總在額勒登保相
機而行朕亦不爲遙制又據奏查拿留養賊匪之
民人余貴審明正法一節所辦甚是賊衆竄入山
林旣無裹帶又無糧運必有硿寨民人暗爲資助
之事曾經降旨飭查今果不出朕所料自當嚴行

懲辦額勒登保現將該犯正法並出示遍行曉諭
此後嗣寨民人庶各知所儆畏不敢私行接濟賊
匪該匪等無路覓食自更易於搜捕再刻下苟逆
勢已窮蹙餘匪無多現有多兵在彼足資追捕所
有各處鄉勇朕意總當於大兵未撤之先以次漸
行裁撤爰爲安頓旣可以節省糜費且尙有官兵
在彼彈壓鄉勇等自不敢稍滋事端額勒登保不

可將此事諉之地方大吏應會同惠齡等彼此熟
商妥協辦理其官兵內有傷病不能得力者亦卽
先行撤回總之此事已遲延六載之久此時不可
草率完結爲最要

二十二日

辛酉

吳熊光奏言據探報樊曾王等逆

其初合併奔竄繼因官兵由獐洛河緊躡前進
王國賢帶領五六百人由玉口竄過河西經遊

擊閻俊烈帶兵與竹山縣練勇截剿該逆身帶
矛傷投水自溺餘匪亦殲戮殆盡至曾芝秀因
不及竄渡仍與樊人傑會作一起順河東岸竄
至馬鹿坪德楞泰率領將弁兵勇乘霧雨交作
之時出其不意將該逆首夥奮力壓下平口河
岸樊人傑曾芝秀率夥衆奔入河中希圖淌渡
經兵勇見水趕擒該逆等多爲巨湍衝倒隨浪

而下共見樊首二首逆同時淹斃餘匪除擒獲
淹沒外德楞泰復分兵四路搜捕已無餘孽

臣

飭赴下游打撈首逆屍身之員稟稱詢之沿河
附近居民是日見賊屍蔽河衝下浪急如箭不
能逐一撈獲又兼各屍被河內巨石磕損頭面
手足多有不全難於辨認惟據德楞泰派兵搜
獲逃出二賊有一賊供稱落水後衝至淺灘偷

扒上岸其同時上岸者只十三人曾芝秀亦在其內等語雖經四處勗查並無逸匪蹤影且訊據樊人傑之妻王氏及擒獲活口僉供樊曾二逆實已同被淹斃似可無疑但既有曾芝秀偷扒上岸之供寧信其有臣已曉諭各碉寨並通

飭各屬仍留心緝拿不使漏網

臣

已與德楞泰

將樊曾王等逆剿滅緣由會同出示發貼被擄

各屬見者無不稱快目下楚省賊情南路惟蒲
添寶戴四崔胡及賴唐各零股奔竄於興巴與
寧巫交界一帶山內西路惟王國賢餘匪及黃
號零匪奔竄於二竹邊境現在二竹一路德楞
泰已派總兵孫清元德昌帶兵分剿昨據德昌
稟報該鎮於魚溪河地方將黃號零匪截殺殲
擒百餘名蒲添寶股匪又經副都統色爾滾總

兵蒲尙佐在桂連坪分路擊敗該匪現竄興山

房縣連界之鮑家山一帶經德楞泰與臣酌商

派總兵吉林泰副將烏爾卿額等分路堵遏德

楞泰由房保至興巴相機進剿四路俱有官兵

一經湊合圍攻無難一鼓殲除卽戴四崔胡賴

唐各匪懾此兵威俱可次第剿蕩至興歸一路

運道據總兵李天林等稟報業已通行無阻再

房保交界山內本月初五日探有零匪百餘人

竄出滋擾

臣

當派副將蔣觀濤効用軍功沈榮

分帶兵勇前往剿捕據報初九日在黃土崗迎

遇賊匪截殺數名賊匪敗竄火石嶺地方蔣觀

濤等分路剿擊將該匪百餘人盡行殲戮生擒

八人俟獲犯解到再行查訊再

臣

等因見各營

兵丁隨征日久往來剿賊實屬艱苦必須酌加

獎賞會與撫

臣

全保及藩臬司道等分別捐廉

備貯以作賞需今樊人傑王國賢等股經叅贊

德楞泰等窮追殄滅各兵丁奮勇爭先

臣

卽按

照兵數提銀六千餘兩解赴叅贊德楞泰等處

普爲分賞并購備布鞋馬掌一併解貯應用奏

入

上命軍機大臣傳諭吳熊光曰樊人傑曾芝秀均係

首逆而樊人傑凶惡尤著其屍身不可不打撈務獲劉屍示衆以息浮議而靖人心今據吳熊光奏稱樊人傑曾芝秀二犯撲水淹斃之處實屬可信惟摺內稱詢之沿河居民是日賊屍蔽河而下浪急如箭是以不能逐一撈獲又各屍俱被巨石磕損不全無從辨認等語河中磕損屍身雖多未必樊人傑一屍適經磕損糜爛且該逆手帶金釧二

隻被水浸漲之後並難掉落尤可辨認吳熊光務
當飭派妥員前往下游一帶設法打撈以期必獲
至該逆等身死屬實吳熊光派員前往打撈時不
可宣言該逆身死未確必須屍軀爲據轉致無識
之徒又滋疑惑總須妥密辦理爲要至曾芝秀一
犯其存歿尙無關緊要竟可毋庸查緝徒滋紛擾
又據奏房保交界山內零匪竄出滋擾派令副將

蔣觀濤帶兵剿捕數日之間即將該匪百餘人盡
數殲擒所辦尙爲妥速至所奏吳熊光全保及藩
臬司道等會於上年分別捐廉以備賞需此次提
銀六千餘兩解赴軍營分賞兵丁等語該省督撫
司道捐備軍需犒賞從前未據奏及昨因剿淨樊
人傑股匪吳熊光能和衷共濟業將伊交部議敘
今據奏全保及司道等均有捐廉備賞之舉著吳

熊光卽查明人數銀數開單具奏候朕酌量加恩
現在該省剿辦餘匪已屬無多大功不日告蒞卽
軍營出力兵勇亦不過再賞一次足矣況據奏此
次提出銀六千兩可見該省備貯捐項尙不止此
數儘足敷犒賞之需嗣後該督等可不必再議捐
輸致開派累之漸

二十四日

癸亥

德楞泰奏言

臣

由高灘河獐洛河

蒙古寺一路進兵沿途逐處搜捕零匪均已淨盡十四日至獅子巖據色爾滾蒲尙佐報稱蒲添寶賊股現又與山內兩起賊匪先後合營一股六七百人一股二三百人均無騾馬屯聚於興房交界之鮑家山恃險抗拒或百餘人或一二百人在於密箐陡窄處阻截查詢土人均稱鮑家山週圍三四百里係賊匪從未到過之地

其中硎寨糧石甚多東通博磨坪壽陽坪南通
烟墩埡茶園河口西通夾帶河長房湖北通松
香坪白衣菴等處溪流圍繞淺深不一路徑陡
窄偏橋甚多並間有須攀附而過者屢經差探
相同各路探事兵勇內竟有被賊戕害者現在
我兵已至獅子背進逼等情

臣

細加查詢鮑家

山爲興房第一險要之地蒲逆賊匪本屬無幾

今又合上兩股非崔胡戴之賊卽係賴熊等逆
該匪等明知死亡在卽恃險抵禦色爾滾等兵
力單弱已切囑稍待兩三日臣卽可到來再爲
相機籌計萬不可冒險輕進惟臣兵在東北而
西南實在空虛若不預爲遏截卽使進兵圍攻
該逆又必遠颺當派吉林泰帶兵由九道梁扇
子壩自西而東確探賊蹤迎截其馬家溝仙家

坪飭令副將烏爾卿額帶兵扼據以堵爲剿庶
前後均有兵力更易集事現在吳熊光前來獅
子巖會晤講論善後各事宜彼此熟商如賊勢
現已衰殘其搜查零匪須酌派委員董率寨民
分段辦理又民間軍器等項亦須不露聲色暗
爲查記庶將來易於收繳再雲貴河南山東四
省客兵在楚剿賊者每省不過數十名及一二

百名均不成隊此項官兵出征日久現在賊勢
衰殘亦不藉此有限兵力自應遣令回營以示
體卹至鄉勇一項良莠不一尤爲籌辦善後要
著當藉此兵威預爲安插佈置此外一切安營
設汛事宜皆關緊要臣等反覆商榷意見相同
已囑吳熊光次第妥辦至全楚現在之賊如王
國賢餘匪前竄二竹經孫清元帶兵追剿現在

與青號零匪併合亦不過六七百名茲據報稱
被官兵抄截折走向家壩非竄入川界則走九
道梁查川省現有張續達勒精阿武隆阿等在
於巫大一帶往來堵截臣飭令隨時偵探賊蹤

與孫清元等兩面夾擊賊少兵多即可撲滅其

歸州白馬灘運道據李天林稟報業已疏通無

阻惟東湖界上尙有剿散零匪臣飭令該鎮卽

就近前往剿捕此外如賴先鋒熊總兵唐明萬
戴四崔宗和胡明元等均係剿剩遺孽日前游
奕於興巴山中此時或與蒲逆合夥亦未可定

臣將蒲逆辦竣仍卽督率各路兵馬探明賊蹤
相機分路剿洗總期迅速掃除肅清楚境奏入

上命軍機大臣傳諭德楞泰曰賊匪伎倆全在東奔
西竄章綴官兵追剿未免費力今蒲逆等因無騾

馬不能遠竄僅在山內困守而崔戴等逆亦以無
路可避與之合夥此係極好機會正可聚而殲旗
德楞泰現已分派將領帶兵堵截伊卽由東北進
發日內諒已早抵該處四面兜圍自可將蒲逆股
匪指日殲除惟當辦理淨盡轉不必過於急迫致
有草率大功將成益當周詳賅備不在一月半月
德楞泰務須布置嚴密使賊匪無從他竄以便合

力進攻將此股賊匪就近剿除不留遺孽方爲安
善至摺內稱與吳熊光會晤一切事宜彼此妥爲
熟商等語深得和衷共濟之道甚慰朕懷至所奏
鄉勇中現有可以裁汰者更當藉此兵威預爲安
插佈置一節所辦甚是鄉勇一項良莠不齊自當
趁大兵未撤之先以次抽裁妥爲安插庶不致滋
生事端前已降旨諭令酌量辦理今德楞泰所奏

正與前旨相合其雲貴河南山東四省客兵每省
不過數十名及一二百名均不成隊德楞泰現已
遣令回營所辦亦俱妥協至王國賢等餘匪并著
德楞泰飭催孫清元德昌等迅速搜捕以期楚境
一律肅清

二十五日

甲子

勒保奏言竊

臣

昨聞楚境賊匪經

德楞泰一路在興房一帶連獲勝仗賊匪分路

逃竄該處與大寧接壤尤恐賊匪被剿情急逃

竄入川

臣

節次差人偵探并知會達勒精阿武

隆阿張績等分路防守嗣據探報有賊匪一股

約三百餘人由楚境竄來在鐵爐溝白果園羊

頭山等處游奕

臣

飛飭達勒精阿武隆阿探蹤

剿辦十三日達勒精阿等帶兵抄出羊頭山遙

見賊匪分踞左右山梁達勒精阿武隆阿卽策

勵官兵分路仰攻左手山梁之賊約有百餘人
恃險抗拒當有軍功羅朝俊帶領兵勇首先撲
上羅朝俊被賊矛戳傷陣亡兵丁羅廷棟鄉勇
高舉與賊攪殺俱受矛傷尙輕衆兵勇一擁向
前殺賊十餘名賊匪不能抵敵都向懸崖滾下
立時跌斃四五十名其餘三四十名拋棄刀矛
撲過五溪溝向白果園逃去其右手山梁之賊

一二百人一見官兵卽覓路奔竄我兵追至朱家坡沿途殺賊十九名生擒四十三名餘匪向楚境後河竄去查訊此起賊匪係青白藍三號餘匪只有賊目舒姓帶領並無緊要首逆在內常於活賊內訊明從賊日久之犯就地正法其被擄男婦遞回原籍保釋再探得楚界向家壩一路有王姓賊匪一股一二百人有奔竄入川

之勢因聞川省邊境有兵卽折向房縣九湖一帶又一碗泉一路有張姓賊匪一股約三百餘人竄入川界經都司沙念聖帶兵迎擊該匪卽折向平頭山竄去又楚界張公橋一路有賊匪四五百人由界嶺竄來水大不能過河遂向洋溪河竄去查以上三股賊匪似均係楚省剿散之賊旣在川楚交界地方游奕急應探蹤剿辦

現在洋溪河九湖之賊均與巫山大寧相近

臣

已分飭達勒精阿武隆阿張績等探蹤迎剿其
平頭山竄走之賊恐其繞出陝境竄入城口竹

峪關等處

臣

已飛札田朝貴常川偵探以防該

匪竄入再遊擊羅思舉一路兵勇於十二日探

聞賊匪百餘人在麻柳壩潛匿當將兵勇派作

三路分道抄襲約定黃昏時候齊集圍捕賊匪

在空屋內奪路衝出兵勇四面圍住殺斃二三十名生擒男婦三十名口查訊此起賊匪係白號餘黨內有胡吳二先鋒已帶領夥匪二三十人先往加當灣一帶摸樁餘匪六七十人留在麻柳壩被兵擒斬淨盡當將所獲男婦交大寧縣審辦仍帶兵前進探賊搜捕又_臣前據萬雲一帶報有竄匪五六十人當派遊擊王泰程元

龍分兵往剿茲據稟稱初十日在萬縣所屬崇興寺地方趕上賊蹤該匪正在掠食王泰等緊躡追殺跟剿五十餘里沿途斃賊二十一名生擒四十名內有難民七名係附近甫經被擄卽令寨民認領其餘三十三名解交萬縣聽候審辦此起竄匪業已剿除淨盡又叅將傅廷佐在大竹梁山一帶搜剿零匪初六日探得大石橋

五里坡一路有賊匪滋擾傅廷佐隨帶兵勇探蹤追剿該匪翻山往關口鐵廠等處竄走官兵連夜緊躡次日巳刻趕至甘壩灣地方賊匪遁入樹林內傅廷佐分派兵勇兜圍搜捕殺斃賊匪九名生擒賊匪三十五名內有偽先鋒邱應龍探馬頭毛興達等一併解交大竹縣聽候審辦又副都統銜達斯呼爾岱副將羅聲皋等搜

剿零匪至同平壩探有賊匪三十餘人從鹿蹄
埡向廖家灣竄來達斯呼爾岱等卽帶兵迎剿
兵至甘溪溝地方趕及賊匪殺斃十八名生擒
九名尙有餘匪七八人逃匿無蹤查訊獲賊均
係剿散零匪因距臣路遠訊明後卽在營正法
至川北一帶餘匪所剩無幾近日連接豐紳來
信據稱楊步青股內餘匪尙剩百餘人四散奔

竄連日經遊擊唐際盛搜獲散匪范發彩等四名都司王國輔搜獲探馬頭何二及餘匪等一名道員劉清等搜獲散匪李茂仁等三名又各寨勇盤獲逃匪王兆清等七名均經豐紳隨時訊明正法又於二十六日探得有賊五六十人分竄紅崖硎石灰窯等處豐紳當即派令遊擊鄔海慶唐際盛夏雲龍都司王國輔分兵追

剿二十七日辰刻夏雲龍唐際盛帶兵至石灰
窯殺斃賊匪三名撲河淹斃十餘名尙有餘匪
十八名全數被兵擒住其分竄紅崖硎之賊只
有二十餘人據寨民報稱見該匪等均係空手
逃散無蹤豐紳查訊此起活賊均係真正矛手
訊明後概行正法臣查川北廣南巴州一帶現
在已無賊匪而通江東鄉太平等處又有田朝

貴帶兵在彼防剿均可無慮

臣

本擬在夔州少

住數日卽回赴東達一路茲查巫山大寧邊境

有楚省剿散之賊分起奔竄是川東防守正關

喫緊未便舍此顧彼

臣

現在夔州駐紮偵探楚

省賊蹤如有匪股竄入就近督剿奏入

上命軍機大臣傳諭勒保曰達勒精阿武隆阿張績
等剿辦青白藍三號餘匪各有斬獲并羅思舉等

在麻柳壩等處各殲擒賊匪數十名均係剿捕零星餘匪雖有微功均不足錄此數月以來勒保每次奏報俱不過將各路擒斬賊數鋪敘入奏約計每次或十餘名或數十名不等似此日復一日總無了期何時始能掃除淨盡又欲延至明年耶此時川省實在尚有餘匪若干著勒保遵照前旨查明具奏并當嚴飭各路帶兵將弁將剿剩零匪上

緊搜捕無遺務於秋令尅期廓清全境斷不可再
有延緩至所稱仍在夔州駐紮偵探楚省賊蹤就
近督剿一節所見尙是巫山大寧邊境有楚省剿
散賊股分起奔竄現雖已截剿回楚但該處防守
緊要勒保自應仍在夔州防堵川東尙蒲賴等逆
竄入川東地界該督務當督飭各鎮將實力截剿
毋使一名闖入再湯思蛟劉朝選二犯亦係該省

首逆日久未據擒獲此次該督摺內亦未提及究竟該二犯作何下落或卽在零星餘匪之內或又潛匿深山老林勒保應飭各州縣及帶兵員弁等一體留心查緝遇有擒獲賊犯卽詳加訊問務得該二犯確實蹤跡切勿任其漏網所有此次首先撲上賊營被矛戳傷陣亡之軍功羅朝俊著加恩

咨部賜卹

同日惠齡奏言

臣

於十三日起抵平利接據探

報樊曾股匪經叅贊德楞泰趕剿殆盡刻下楚

省零匪均有入川之勢但恐被剿窮蹙難免闖

入陝疆

臣

隨趕至白土關與穆克登布桑吉斯

塔爾喜明等會商防堵機宜查得平利紫陽一

帶邊界袤延二千餘里道路叢雜要隘甚多該

鎮等所帶官兵僅三千餘名若到處安兵無論

兵力不敷佈置且兵分則單倘賊匪以全力攻撲一處卡隘勢必難以制勝惟有於要隘處所安設小卡以爲巡邏偵探之用並多派能事弁兵作爲長探遠赴川楚境內察探賊蹤輪流回報而以官兵分駐適中扼要之地相機策應賊從何路竄來兵卽由何路迎剿縱使賊匪狡猾潛入境內以數路官兵協力圍剿亦無難隨地

剪除如該匪等知有兵備不敢窺伺陝界但得

相距稍近仍當不分畛域派兵出境乘勢掩殺

以期迅速廓清穆克登布向來辦理章程甚合

機要是以半載以來川楚賊匪總未能奔突入

陝臣卽諄囑穆克登布等仍照從前機宜妥爲

辦理臣現於白土關縣爲駐紮穆克登布等亦

各回汛地彼此相隔不過一二百里聲勢聯絡

可期互相策應又據各屬稟報苟逆賊匪分股
四竄有西奔盤屋鄱縣境內者有東竄孝義鎮
安交界者聞額勒登保已由鎮安揚四廟一帶
東來想此東竄之賊自必係苟逆正股容俟探
明一并具陳奏入

上命軍機大臣傳諭惠齡曰楚省剿敗零匪現據勒
保奏報賊匪分路逃竄該處與巫山大竄接壤恐

被剿情急逃竄入川是川東防守最關緊要陝省
尙不慮其潛入滋擾至平利紫陽一帶防守機宜
穆克登布熟悉該處情形向來辦理章程甚爲得
要惠齡業與該鎮熟商令其照前妥辦所見甚是
此時惠齡在平利縣屬之白土關暫駐該處現無
可籌辦之處應仍遵前旨回至撈峪一帶防堵設
伏以待倘苟逆竄出老林可以就近截擊一俟苟

逆就擒之後彼時額勒登保或尙須赴陝楚交界
會辦一切惠齡應卽在省辦理搜捕及善後事宜

同日

上命軍機大臣傳諭額勒登保德楞泰及陝甘湖北
四川各督撫曰國家設兵原以衛民遇有一切征
調自應選派額兵用資敵愾向年平定準夷回部
及大小金川皆係派調八旗勁旅及綠營兵丁克

敵致果從未有雇募鄉勇之事自福康安赴臺灣
剿捕林爽文始招募義勇與官兵並用此後剿辦
湖南貴州等處苗匪以及川陝楚教匪遂相沿爲
例各處俱設有鄉勇名曰試思兵民本自分途百
姓耕作爲生原不令其演習武事是以私藏鳥鎗
竹銃均干例禁正以杜其好勇鬥狠之漸今該三
省鄉勇爲數甚多一時雖資其力而此輩易集難

散終非善策其在民間自爲團練者卽於本處各
次堡寨互相守望伊等有業可安事平後猶可不
致流而爲匪而募勇一項本係遊手無業之徒應
募來營所得分例較之兵丁尤多伊等隨營日久
打仗殺賊之事習以爲常而好勇鬥狠之風亦難
化詢此實地方之要務未可視爲無關緊要也現
在大功不日告蕆自應漸次裁撤但撤之亦非易

易朕節次降旨總須趁大兵未撤之時先行散遣
方免滋生事端第散遣之後亦須安置得所此等
鄉勇若令盡行入伍未必人人樂從倘一概聽其
回籍伊等無業可執地方官未能遍行管約日久
或致心生他念種種難於安頓之處殊堪慮慮此
時軍務將次完竣酌籌善後事宜惟鄉勇一節最
爲緊要節經降旨諭令熟商妥辦尙未據伊等將

如何設法辦理之處詳議具奏或該督撫等業經辦有端緒而未能一律周妥或因各處情形不同現須籌商未能遽定章程著額勒登保德楞泰會同四川湖北陝甘各督撫各就三省現在情形悉心酌議其願歸伍者卽令在營當差以補兵額其不願入伍之人尤宜預爲設法或優其賞賚示以恩意俾各知感戴恪遵約束永無他慮方爲妥善

再鄉勇中現有頂戴者將來或量材錄用或頂戴榮身亦應斟酌妥辦現在各該省未裁鄉勇若干并著一併具奏至大兵全撤後各省原設額兵尤應隨時訓練不可因軍務已竣遽存文恬武嬉之見務須嚴飭各提鎮等將營伍大加整頓俾現兵皆成勁旅庶設一兵卽得一兵之用將來設遇有征調之事自可無須募勇協助而不逞之徒見各

省官兵日增強盛潛革非心此朕思深慮遠諄諭
及此封疆大吏應各仰體朕心妥爲經理

臣

等竊維古者聯里社以衛民嚴守望以禦
賊堡寨之設猶其遺意至於剿賊之鄉勇夙
無聞焉何則去其鄉則路徑不熟名爲勇而
紀律未嫻其願往者必皆無業之徒其可資
者必非馴善之輩雇募起於倉猝則邀賞倍

於恒時行陣履爲慣常則好鬥成其故態泊
乎事成之後更鮮善處之方散之則爲游民
羈之又皆悍卒以至心存缺望意涉險詖其
流弊何所不至集數萬之衆而一旦罷之其
謀殆不可不預也我

皇上洞燭幾先深維善後茲

特降旨通諭領兵大員及各省疆吏令其熟商妥辦

早定章程所以藏功之時行所無事良善者
既共卽於安居桀驁者亦無虞其不逞裁撤
安置辦理盡善至奉

諭嚴飭各省提鎮於軍務完竣之後將原設額兵大
加訓練使不虞之備無藉鄉勇尤仰見

聖謨深遠探本窮源實爲

國家經久至計凡有訓兵之責者宜如何實力遵

循以除恬嬉之積習哉